



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Cavssa Helvetica Orthodoxae Fidei**

**Murner, Thomas**

**Lucernae, 1528**

**VD16 M 7034**

D. Oecolampadivs.

**urn:nbn:de:hbz:466:1-29525**

## CONCLUSIO PRIMA.

illic fratres clare moneat fragilitatis intellectus, quippe quod capere nequeant mentis augmento, etiam cum expositione & confidentia intellectus iussione Dei, ex occulta regni sui maiestate. At non est nouū, nostros novos Christianos uita defunctos sanctos, uelle contra ipsorum sensum in suas partes trahere, quum hoc eodem & uiuentibus faciant, sicut in uno li bello, eruditum & uere doctum Erasmus Roterodamum, falsitate insimularūt, ut se literis erga uos gratiosos dominos meos laudandi fœderis Heluetiorū, purgare cogeretur, proculdubio si Augustinus, Hyrenæus, Tertulianus, adhuc in his terris degerent, etiam & eos literis erga uos purgatuos, & excusatuos.

Quare obsecro dominus meus doctor dicere audeat, miraculum Gregorij ad propositum non esse, quum non ignoret uniuersa ecclesia, hoc ideo factum esse, quia hæc mulier eam habuit infidelitatem, quam & nunc noui habent Christiani, panem dumtaxat esse pistorium.

Tandem scripturarum ratione, quas ego induxeram pro mea, totiusq; ecclesiæ possessione, uerba scilicet Christi, bonæ mihi sunt literæ, domini passione firmatæ, diuinoq; illius ore prædicatæ, quum dicit, Hoc est corpus meum.

Quia tamen doctor dicit ex mea conclusione sequi Christum neq; passum uere, neq; mortuum, hoc obsecro scripturis probe, & manus principali causæ adponat, ut eo possint uniuersi uidere, qui ueri sint Euangelici.

### D. OECOLAMPADIUS.

Causa in his uerbis perstat. Hoc est corpus meum, per quæ doctor Eckius probare nititur, materialem panem ibi non esse. Hæc autem uerba, illam non patiuntur expositionem, & certus ego sum, me non pugnare aduersus spiritum sanctum, quum met ipse spiritus sanctus scripturas exponat in dicto Matth. Ammodo non bibam &c. sed & tertio apud Paulum panem nominat.

Expositio

COLLATIO XIII.

Expositio doctoris Eckij, panem exteriora signa nomina  
ri sicut accidētia, quo nam modo illud uult probare, Paulus  
dicit de pane &c. de pane edere materiam exposcit. Vniuersa  
scriptura nobis duo dumtaxat ostendit edulia, spirituale car-  
nis domini nostri Ihesu, & corporale panis scilicet & alterius  
corporalis cibi, uesci uero accidentibus a substantia nudatis,  
litera sacra non docent.

Neq; doctor Eckius satisfecit, neq; Matthæi dictum xxvi,  
capite enodauit. Ammodo non bibam de hoc genimine uis-  
tis &c. utcumq; enim se res habeat de promissione sequenti,  
oportet ut præcedēs uerbum respiciat atq; referatur ad illud  
de quo eo tempore tractabatur, neq; decet aliter exponi quā  
alijs scripturis, quas adhuc expecto.

D. ECKIUS.

**I**N nomine tuo dulcis dñe Ihesu Christe. Contra conclusio-  
nem meam de præsentia sacri corporis Christi, adhuc ob-  
luctatur dñs meus doctor, aduersus panis transmutationem  
inducens Paulū ter panem nominare, quod intelligi neque-  
at de accidentibus panis. Et quum diuus Paulus de manduca-  
tione loquit, non potest nisi materialis panis māducari, quū  
in scripturis non nisi duplex manducatio reperiat. Ego ue-  
ro, & si ad illa responderim ex mente regis Anglorū, illamq;  
scripturis probauerim, nihilominus ei clarius enumerabo, &  
dico in diuo Paulo ad Corinth. per panē non intelligi pisto-  
rium panem, sed sacrum Christi corpus sub specie panis, hic est  
proboꝝ Christianoꝝ panis. Hoc aut ut uerū sit, neq; illud ul-  
lus Christianoꝝ negare possit, testor per os Christi diuinum  
dicens Iohan. vi. Et panis quē ego dabo caro mea est, auscul-  
tate probi fideles, quid Christianus sit panis, caro nāq; Chri-  
sti est. Hæc Dei uerba poterunt neq; cœlum, neq; terra, neq;  
inferorum portæ euertere.

Iuxta illud ultra notandum, Christum panem hunc pro-  
misisse se pro mundi uita daturum. Si hunc Christus, qui &  
ipsa